

唐
音
統
籤

成鏡七十六鄭谷之三

唐音統鑑卷

十七

五言排律

詠懷

迂疎雖可欺心路甚男兒薄宦渾無味平生粗有
詩澹交終不破孤達晚相宜直夜花前喚朝寒雪
裏隨竹聲輸我聽茶格共僧知景物還多感情懷
偶不平溪鶯喧午寢山蕨止春饑事消腸酒清
歡敵手碁香鋤拋藥圃煙艇憶莎陂自許亨途在
儒綱復振時

試筆偶書

沙鳥與山麋由來性不羈可憑唯在道難解莫過
詩任笑孤吟僻終嫌巧宦卑乖慵思地怨冷澹好
僧知畫省慙公器滄江負釣師露花春直夜煙鼓
早朝時世路多艱梗家風免墜遺殷勤一簑雨祇
得夢中披

乖慵

乖慵居竹裏涼冷臥池東一霎菱荷雨幾迴簾幕
風遠僧來叩寂小吏笑書空衰鬢霜供白愁顏酒
借紅扇輕搖鷺羽屏古畫漁翁自得無端趣琴棊
舫子中

遠遊

江湖猶足事食宿成羣喧久客秋風起孤舟夜浪
翻鄉音離楚水廟貌入湘源岸澗鳬鷺小林垂橘
柚繁津官來有意漁者笑無言早晚酬僧約中條
有藥園

迴鑾

妖星沉雨露和氣滿京闕上將忠勲立明君法駕
還順風調雅樂夾道敘羣班香泛傳宣裏塵清指
顧間樓臺新紫氣雲物舊黃山曉渭行朝肅秋郊
曠望閒廟靈安國步日角動天顏浩浩昇平曲流

歌徹百蠻

南宮寓直

寓直事非輕官孤憂且榮制承黃紙重辭見紫垣
 清曉霽庭松色風和禁漏聲僧携新茗伴吏掃落
 花迎鎖印詩心動垂簾睡思生粉廊曾試處直事
即于都堂四廊下尋項年石柱昔賢名來誤宮窓
試所題名記至今多在燕啼疑花樹鶯殘陽晴更好歸速恨嚴城

入閣

秘殿臨軒日和鑾返正年兩班文武盛百辟羽儀
 全霜滿清中禁風旗拂曙天門嚴新契勸使入乍

承宣

一作仗入
通承宣

玉几當紅旭金爐縱碧煙對敷稱

法吏贊引出宮鉅言動揮毫疾威容執

一作報

簿專

壽山晴靉黼顯氣煖連延禮有鴛鴦集恩無雨露
偏小臣叨備位歌詠泰階前

丞相孟夏祗薦南郊紀獻十韻

節應清和候郊宮事潔羞至誠聞上帝明德祀圓
丘雅用陶匏器馨非黍稷流就陽陟盛禮匡國禱
鴻休漸曉蘭迎露微涼麥弄秋壽山橫紫閣瑞靄
抱皇州外肅通班序中嚴錫慶優券歌三酒備表
敬百神柔池碧將還鳳原清再薦牛馬方瞻輔翼

共賀贊皇猷

投時相十韻

何以保孤危操修日不知衆中嘗杜口夢裏亦吟
詩失計辭山早非才得事遲薄冰安可履暗室豈
能欺勤苦流螢信吁嗟宿燕知殘鐘殘漏曉落葉
落花時故舊寒門少文章外族衰此生多轍軻半
世足漂離省署隨清品漁舟爽素期戀恩休未遂
雙鬢漸成絲

敘事感恩上狄右丞

昔歲曾投贊關河在左馮庾公垂顧遇王粲許從

容

頃年庾給事崇出守同州右丞在末席谷退避游謁始受獎知

首薦叨殊禮金

家寓近封白樓陪寫望青眼感遭逢顧念梁間燕

深憐澗底松嵐光蓮岳遍酒味菊花濃

同州官醅尚菊花酒

寇難旋移國漂離幾聽蛩半生悲道旅二紀問門

墉蜀雪隨僧踏荆煙逐鴈衝凋零歸兩鬢舉止失

前蹤得事雖甘晚陳詩未肯慵邇來趨九仞又伴

賞三峰

時大駕在華州

樓托情何限吹噓意數重白茲儔

侶內無復歎龍鍾

寄獻湖州從叔員外

顧渚山邊郡溪將罨畫通遠看城郭裏全在水雲

中西閣歸何晚東吳興未窮
茶香紫笋露洲迥白蘋風歌
緩眉低翠杯明蠟翦紅政成
尋往事輟棹問漁翁

寄左省張起居

含香復記言清秩稱當年點筆
非常筆朝天最近天家聲三相
後公事一人前詩句江郎伏書
蹤竄氏傳

起居今太師盧公宅相傳授書法

風標欺鷺鶴才力湧沙泉

居僻貧無慮名高退更堅
漁舟思靜泛僧榻寄閒眠
消息當彌入絲綸的粲然
依棲常接跡屬和舊盈編
開口人皆信淒涼是謝甄

谷在舉場時與起居有恩也

前寄左省張起居一百言尋蒙唱酬見舉過
實却用舊韻重答

減瘦經多難愛傷集晚年吟高風過樹坐久夜涼
天旅退慙隨衆孤飛怯向前釣朋簑叟在藥術衲
僧傳鬢禿趨榮路賜焦鄙盜泉品徒誠有隔推唱
意何堅寒地殊知感秋燈耿不眠從來甘默爾自
此倍怡然蘭爲官須握蒲因學吏編預愁搖落後
子美笑無旤

杜工部贈鄭廣文詩云科
名四十年坐客寒無旤

荆渚八月十五日夜值雨寄同年李嶼

共待輝光夜翻成黯澹秋正宜清路望潛起滴堵

愁棹倚袁宏渚簾垂庾亮樓桂無香實落蘭有露
花休玉漏添蕭索金樽阻獻酬明年佳景在相約
在神州

訪姨兄王斌渭口別墅

枯桑河上村寥落舊田園少小曾來此悲涼不可
言訪鄰多指塚問路半移原久歎家僅散初晴野
薺繁客帆懸極浦漁網晒危軒苦澁詩盈篋荒唐
酒滿尊高枝霜果在幽渚暝禽喧遠靄籠樵響微
煙起燒痕哀榮孤族分感激外兄恩三宿忘歸去
圭峯恰對門

送祠部曹郎中免官南歸

高名阿已求古韻古無儔風月拋蘭省江山向種
烟霞人知止足中歲便歸休雲鶴深相待公卿不
易留滿朝張祖席半路上仙舟篋重藏吳畫茶新
換越甌郡迎紅燭宴寺宿翠嵐樓觸目成幽興全
家是勝游蓬聲漁叟雨葦色鷺鷥秋久別郊園改
將歸里巷修桑麻勝祿食節序免鄉愁陽朔花迎
棹崇賢葉滿溝席春歡促膝簷日煖梳頭道暢應
爲蝶時來必問牛終須康庶品未爽一作許漱寒流
議在歸羣望情難戀自由小生誠淺拙早歲便依

投夏課每垂獎雪天常見憂遠招陪宿直首薦向
公侯攀送偏揮灑龍鍾志未醺

讀故許昌薛尚書詩集

篇篇高且真真為國風陳澹薄雖師古縱橫得意

新剪裁成幾篋

一作帙 述作公篇什最多

近世詩人

唱和是誰人

華岳題無敵黃河句絕倫

華岳黃河二詩序云此皆二京巨題日不負不

負吟殘荔枝雨詠徹海棠春

公有海棠荔枝二首序云杜子美老于兩

蜀而無此詠

李白欺前輩

公有寄符興中詩云我生若此詠在開元日爭道名為李翰林

陶潛仰復塵

公有論詩一章云李公終無取陶潛固不刊

難忘蒿室下

公有嵩山巨篇

不負蜀江濱

公從事蜀中著江干集

屬思看山眼冥

搜倚樹身楷模勞夢想韻誦爽精神落筆空追愴
曾蒙借斧斤

故少師從翁隱巖別墅亂後榛蕪感舊愴懷

遂有追紀

鄭薰歸老號所居爲
隱巖自稱上谷處士

風騷爲主人凡俗仰清塵密行稱閨闈明誠動縉

紳周旋居顯重内外掌絲綸妙主蓬壺籍忠爲社

稷臣大儀墻仞峻東轡紀綱新聞善常開口推公

豈爲身立朝鳴珮重歸宅典衣貧半醉看花晚中

食蕢菜春晴臺隨鹿上幽墅

一作野

結僧鄰理論知

清越

清越江左詩僧
孤卿待之甚厚

生徒得李頻藥香沾筆硯竹

色染衣巾寄鶴眠雲雙騎驢入室賓

成通中舉子乘馬唯張喬

跨驢喬詩苦道真孤卿廷於門下

近將姚懿

自姚秘監合主張

而僻與段卿親

段少常成式與學辛勤章句入徵孤卿爲前序

葉積池邊

路茶遲雪後薪所難留著述誰不兼陶鈞喪亂時

多變追思事已陳浮華重發作雅正甚湮淪宗從

今何在依棲素有因七松無影響

孤卿植小松七本自號七松處

士與代對五柳先生

雙淚益悲辛猶喜于門秀年來屈復伸

班郎孤卿姪孫登進士科級也

華山

峭仞聳巍巍晴嵐染近畿孤高不可狀圖寫盡應

非絕頂神仙會半空鸞鶴歸雲臺分遠靄樹谷隱
斜暉墜石連村響狂雷發廟威氣中寒涓澗影外
白松微雲對蓮花落泉橫露掌飛乳懸危磴滑樵
徹上方稀澹泊生真趣逍遙息世機野花明澗路
春蘚澁松圍遠洞時聞磬羣僧晝掩扉他年洗塵
骨香火願相依

西蜀淨衆寺松溪八韻兼寄小筆崔處士

松因溪得名溪吹答松聲繚繞能穿寺幽奇不在
城寒煙齋後散春雨夜中平染岸蒼苔古翹沙白
鳥明澄分僧影瘦光徹客心清帶梵侵雲響和鐘

漱石鳴淡烹新茗爽煖泛落花輕此景吟難盡憑
君盡人京

恩門小諫雨中乞菊栽

握蘭將滿歲栽菊伴吟詩老去慵趨世朝迴獨繞
籬遙香風細細澆綠水瀾瀾祗共山僧賞何當國
士移孤根深有托微雨正相宜更待金英發憑君
插一枝

咸通十四年府試木向榮

題中
用韻

園林青氣動衆木散寒聲敗葉墻陰在滋條雪後
榮忻忻春令早藹藹日華輕庾嶺梅先覺隋堤柳

暗驚山川應物候
臯壤起農情
祇待花開日
連棲
出谷鶯

京兆府試殘月如新月

榮落何相似
初終却一般
猶疑和夕照
誰信墮朝
寒水木輝華
別詩家比象
難佳人應誤
拜樓鳥反
求安屈指期
輪滿何心謂
影殘庾樓清
賞處吟徹
曙鐘看

乾符丙申歲奉試漲曲江池

春字

王澤尚通津
恩波此日新
深疑一夜雨
宛似五湖
春泛灩翹振
鶯澄清躍紫
鱗翠低孤嶼
柳香失半

汀蘋鳳輦尋佳境
龍舟命近臣
桂華如入手
願作從游人

光化戊午年舉公見示省試春草碧色詩偶
賦是題

萋弘血染新含露
滿江濱想得尋花徑
應迷拾翠人
窓紗迎擁砌
簪玉妬成茵
天借新晴色
雲饒落日春
嵐光垂處合
眉黛看時頻
願與仙桃比
無令惹路塵

戊籤七十六鄭谷之四

與百統籤卷

七百十八

七言律詩一

闕下春日

建昌宮殿紫雲飄
春漏遲遲下絳霄
綺陌煖風嘶去馬
粉廊初日照趨朝
花經宿雨香難拾
鶯在豪家語更嬌
秦楚年年有離別
揚鞭揮袖灞陵橋

輦下冬暮詠懷

永巷閒吟一徑蒿
輕肥大笑事風騷
短合紫禁花期近
雪滿長安酒價高
失路漸驚前計錯
逢僧更念此生勞
十年春淚催衰颯
羞向清流照鬢毛

初稿

附記 竟句于名祇自勞苦吟吟吟吟風騷烟開
水國花期近雪滿長安酒價高舊業已荒青蒿運
寒江空憶白雲滿不如春到
情何限惟恐流年損鬢毛

宣義里舍冬暮自貽

幽居不稱在長安溝淺浮春岸雪殘板屋漸移方
帶野水車新入夜添寒名如有分終須立道若離
心豈易寬滿眼塵埃馳驚去獨尋烟竹剪漁竿

渭陽樓閒望

千重二華見皇州望盡凝嵐卽此樓細雨不藏秦
樹色夕陽空照渭河流後車寧見前車覆今日難
忘昨日憂擾擾塵中猶未已可能疎傳獨能休

結綬鄆郊廉攝府署偶有自詠

鶯離寒谷士逢春釋褐來年暫種芸白笑老爲梅
少府可堪貧攝鮑叅軍酒醒往事多興念吟苦鄰
居必厭聞推却簿書搔短髮落花飛絮正紛紛

省中偶作

三轉郎曹自勉旃莎階吟步想前賢未如何遜無
佳句若比馮唐是壯年捧制名題黃紙尾約僧心
在白雲邊乳毛松雪春來好直夜清閒且學禪

松省中所植
見後絕句中

朝直

春明退朝錄云唐末常御殿更無仗遇
朔望特設之趨朝者仍給廊下食所以

鄭谷輩多形於詩咏嘆

美而五代行之不絕

朝直叨居省閣間由來疎退校安閒落花夜靜宮
中漏微雨春寒廊下班自扣玄門齊寵辱從他榮
路用機關孤峰未得深歸去名畫偏求水墨山

春日

一作夕

伴同年禮部趙員外省直

錦帳名郎重錦窠清宵寓直縱吟哦冰含玉鏡春
寒在粉傳仙闌月色多視草卽應歸屬望握蘭知
道暫經過流鶯百轉和殘漏猶把芳樽籍露莎

右省張補闕茂樞同在諫垣連居光德新春
賦詠聊以寄懷

小梅零落雪欺殘，浩蕩窮愁豈易寬。唯有朗吟償
晚景，且無濃醉壓春寒。高齋每喜追攀近，麗句先
愛屬和難。十五年前諧苦節，知心不獨爲同官。

奔問三峰寓止近墅

半年奔走頗驚魂，來謁行宮淚眼昏。鵲鷺入朝同
待漏，牛羊送日獨歸村。霸陵散失詩千首，太華淒
涼酒一樽。兵革未休無異術，不知何以受君恩。

自遣

強健宦途何足謂，入微章句更難論。誰知野性真
天性，不扣權門扣道門。闕硯晚鶯臨砌樹，遊堦春

笋隔籬根朝回何處消長日紫閣峰南省舊村

自適

紫陌奔馳不暫停送迎終日在郊垌年來鬢畔未
垂白雨後江頭且踏青浮蟻滿盃難暫捨貫珠一
曲莫辭聽春風祇有九十日可合花前半日醒

自貽

飲筵博席與心違野眺春吟更自誰琴有澗風聲

轉澹詩無僧字格還卑

方回云谷詩多用僧字凡四十餘處

恨拋水

國釣簑雨貧過長安櫻笋時

唐制四月十五日自堂厨至百司厨謂之

饗笋

頭角英髦應指笑權門蹤跡獨差池

多情

賦分多情却自嗟蕭索未必爲年華睡輕可思風
敲竹飲散那堪月在花薄宦因循拋峴首故人流
落向天涯鶯春鴈夜長如此賴是幽居近酒家

中年

漠漠秦雲淡淡天新年景象入中年情多最恨花
無語愁破方知酒有權苔色滿牆尋故第雨聲一
夜憶春田衰遲自喜添詩學更把前題改數聯

漢陂

昔事東流共不回春深獨向漢陂來亂前別業依

稀在雨裏梨花寂寞開却展漁絲無野艇舊題詩
句沒蒼苔潸然回顧難消遣祇有佯狂泥酒盃

石城

石城昔爲莫愁鄉莫愁魂在石城荒江人依舊棹
舴艋江岸還飛雙鴛鴦帆去帆來風浩渺花開花
落春悲涼烟濃草遠望不盡千古漢陽開夕陽

郊墅

韋曲樊川雨半晴竹莊花院徧題名畫成煙景垂
楊色酒破春愁壓酒聲滿野紅塵誰得路連天紫
閣獨闌情羨陂水色澄於鏡何必滄浪始濯纓

舟行

九派迢迢九月殘
舟人相語且相寬
村逢好處嫌風便
酒到醒來覺夜寒
夢水白波喧夏口
柿園紅葉憶長安
季鷹可是思鱸膾
引退自知時所難

一作

知時自
古難

蜀中三首

馬頭春向鹿頭關
遠樹平蕪一壑閒
雪下文君沽酒市
雲藏李白讀書山
江樓客恨黃梅後
村落人歌紫芋間
堤月橋燈好時景
漢庭無事不征蠻
夜多無雨曉生塵
草色嵐光日日新
蒙頂茶畦千

點露浣花牋紙一溪春楊雄宅在唯喬木杜甫臺
荒絕舊鄰却共海棠花有約數年留滯不歸人
清遠江清碧簾紋小桃枝繞薛濤墳朱橋直指金
門路粉堞高連玉壘雲窓下斷琴翹鳳足波中濯
錦散鷗羣子規夜夜啼巴蜀不並吳鄉楚國聞

避蜀

所向明知是晴投兩行清淚語前流雲橫新塞遮
秦甸花落空山入閬州不分黃鸝驚曉夢惟應杜
宇信春愁梅青一作黃麥綠無歸處可得漂漂愛說

遊

題汝州從事廳

詩人公署如山舍，祗向階前便採薇。
驚燕拂簾閒睡覺，落花沾硯會殘歸。
壁看舊記官多達，榜掛明文吏莫違。
自說小池栽葦後，雨涼頻見鷺鷥飛。

訪題表兄王藻渭上別墅

桑村搖落渭川西，蓼水瀾瀾接稻泥。
幽檻靜來漁唱遠，暝天寒極鴈行低。
濁醪最稱看山醉，冷句偏宜選竹題。
中表人稀離亂後，花時莫惜重相携。

慈恩寺偶題

往事悠悠添浩歎，勞生擾擾竟何能。
故山歲晚不

歸去高塔晴來獨自登林下聽經秋苑鹿江邊掃
葉夕陽僧吟餘却起雙峰念曾看菴西瀑布冰

少華甘露寺

石門蘿徑與天鄰兩檜風篁遠近聞飲澗鹿喧雙
派水上樓僧踏一梯雲孤煙薄暮關城沒遠色初
晴渭曲分長憶燃香來此宿北林猿鶴舊同群

江際

杳杳漁舟破暝煙踈踈蘆葦舊江天那堪流落逢
搖落可得潸然是偶然萬頃白波迷宿鷺一林黃
葉送殘蟬兵車未息年華促早晚聞吟向澗川

蜀中春日

海棠風外獨沾巾
襟袖無端惹蜀塵
和煖又逢挑菜日
寂寥未是探花人
不嫌蟻酒衝愁肺
却憶漁簑覆病身
何事晚來微雨後
錦江春學曲江春

渚宮亂後作

鄉人來話亂離情
淚滴殘陽問楚荆
白社已應無故老
清江依舊遶空城
高秋軍旅齊山樹
昔日漁家是一作盡野營
牢落故居灰燼後
黃花綠蔓上墻生

巴江

時傳宗省方南梁

亂來奔走蜀江濱愁客多於江徼人朝醉暮醉雪
開霽一枝兩枝梅探春詔書罪已方哀痛鄉縣徵
兵尚苦辛鬢禿又驚逢獻歲眼前渾不見交親

倦客

十年五年岐路中千里萬里西復東疋馬愁衝晚

曉一作

村雪孤舟悶阻春江風達士由來知道在昔

賢何必哭途窮閒烹蘆笋炊菰米會向源

漁一作鄉

作醉翁

漂泊

槿墜蓬疎池館清日光風緒澹無情鱸魚斫鱠輸

張翰橘樹呼奴羨李衡十口漂零猶寄食兩川消息未休兵黃花催促重陽酒何處登高望二京

宜春再訪芳公言公幽齋寫懷叙事因賦長言

入門長恐先師在香印紗燈似昔年澗路縈迴齋處遠松堂虛豁講聲圓頃爲弟子曾同社今忝星郎更契緣顧渚一甌春有味中林話舊亦潸然

重陽日訪元秀上人

紅葉黃花秋景寬醉吟朝夕在樊川却嫌今日登

山俗且共高僧對榻眠別

一作展

畫長懷吳寺壁宜

茶偏賞霽溪泉歸來童稚爭相笑何事無人與酒船

次韻和禮部盧郎中 極江上秋夕寓懷

望郎到處覺風生蜀郡留連亞相情 時中儀在瀘州恩門大夫

待遇憂厚亂後江山悲庾信夜來煙月屬袁宏夢歸蘭

省寒星動吟向莎洲宿鶯驚未脫白衣頭半白叨

陪屬和倍爲榮

賀左省新除韋拾遺

初升諫署是真仙浪透桃花恰五年垂白郎官居
座末著緋人吏立階前百僚班列趨丹陛兩掖風

清上碧天從此追飛何處去金鑾殿與玉堂連

駕部鄭郎中三十八大尹貳河東聞榮加金
紫谷以末派之外恩舊事深因賀送

香手玉墜曉辭天袍拂蒲茸稱少年郎署轉曹雖
久次京河亞尹是優賢縱游雲水無公事實買琴
書有俸錢今日龍門看松雪探春明日向平泉

感懷投時相

非才偶忝直文昌兩鬢年深一鏡霜待漏敢辭稱
小吏立班猶未出中行孤吟馬跡拋槐陌遠夢漁
竿擲葦鄉丞相舊知非學苦更教何處貢篇章

谷初忝諫垣今憲長薛公方在西閣知獎隆
異以四韻代述榮感

舊詩常得在高吟不柰公心愛苦心道自頃聞言

下振

舍人於閣下衆中
獎數頃年篇什

恩從仙殿對廻深

各累陪
舍人轉

對偶
人深以知獎

流年漸覺霜欺鬢至藥能教土化

金自拂青萍知有地齋誠旦夕望爲霖

故許昌薛尚書

能

嘗爲都官郎中後數歲故

建州李員外

頗

自憲府內彈拜都官員外八

座外郎皆一時騷雅宗師則都官之曹振盛

於此余早年請益賁受深知今忝此官復是

正秩豈唯俯慰孤宦何以仰繼前賢勞惕在
衷遂賦自賀

都官雖未是名郎踐歷曾聞薛許昌復有李公陪
雅躋豈宜鄭子忝餘光榮爲後進趨蘭署喜拂前
題在粉牆

八座外郎於省中題記多在

他日節旄如可繼不嫌

曹冷在中行

谷卅歲受同年丈人故川守李侍郎教諭衰
晏龍鍾益用感歎遂以章句自貽

多感京河李丈人童蒙受教便書紳文章至竟無
功業名宦由來致苦辛皎日還應知守道平生自

信解甘貧孤單所得皆逾分歸種敷溪一畝春

獻大京兆薛常侍

恥將官業競前途自愛篇章古不如一炷香新開
道院數坊人聚避朝車縱游藉草花垂酒閒臥臨
窓燕拂書唯有明公賞新句秋風不敢憶鱸魚

獻制誥楊舍人

爲郡東吳祗飲水瑣闌須降鳳書徵隨行已有朱
衣吏伴直多招紫閣僧窓下調琴鳴遠水簾前睡
鶴背秋燈葦陂竹塢情無限閒話毘陵問杜陵

贈宗人前公安宰君

喧卑從宦出喧卑別書能琴又解碁海上春耕因
亂廢年來冬薦得官遲風中夜犬驚槐巷月下寒
驢齧槿籬孤散恨無推唱路耿懷吟得贈君詩

贈咸陽王主簿

可愛咸陽王主簿窮經盡到昔賢心登科未足酬
多學執卷猶聞惜寸陰自與山妻春斗粟祇憑鄰
叟典孤琴我來賒酒相留宿聽我披衣看雪吟

敷溪高士

敷溪南岸掩柴荆掛却朝衣愛靜名閒得林園栽
樹法喜聞兒姪讀書聲眠窓日煖添幽夢步野風

清散酒醒謫去徵還何擾擾片雲相伴看衰榮

兵部盧郎中

光濟

借示詩集以四韻謝之

士子風騷尋失主吾君歌誦久無聲調和雅樂歸
時正澄瀟頽波到底清才大始知寰宇窄吟高何
止鬼神驚葉公好尚渾踈濶忽見真龍幾喪明

宗人作尉唐昌官署幽勝而又博學精富得
以言談將欲他之留書屋壁

公堂瀟灑有林泉祇隔苔牆是渚田宗黨相親離
亂世春秋閑論戰爭年遠江鷺鷥來池口絕頂歸
雲過竹邊風雨夜長同一宿舊游多共憶樊川

戊籤七十六鄭谷之五

唐音統籤卷七十九

七百十九

七言律詩二

轉正郎後寄獻集賢相公

予名初在德門前屈指年來三十年自賀孤危終
際會別將流涕感階緣止陪鴛鴦居清秩濫應星
辰晚上玄平昔苦心無所恨受恩多是舊詩篇

右省補闕張

茂

同在諫垣鄰居光德迭和

篇什未常間時忽見貽謂谷將來履歷必在
文昌當與何水部宋考功爲儔谷雖賦于風
雅實用兢惶因抒酬寄

何宋清名動粉闥不才今日偶陳詩考功豈敢聞
題品水部猶須繫摯維積雪巷深酬唱夜落花墻
隔笑言時紫垣名士推揚切爲話心孤倍感知紫微

薛公獎譽頗深補袞卽紫微中表嘗悼惜故有此句

次韻酬張補闕因寒食見寄之什

柳近清明翠縷長多情右袞不相忘開緘雖覩新
篇麗破鼻須聞冷酒香時態懶隨人上下花心目
被蝶分張朝稀且莫輕春賞勝事由來在帝鄉

九日偶懷寄左省張起居

令節爭歡我獨閒荒臺盡日向晴山渾無酒泛金

英菊設道官趨玉笋班深愧青莎迎野步不堪紅
葉照衰顏羨君官重多吟興醉帶南陂落照還

春暮詠懷寄集賢韋起居袞

寂寂風簾信自垂楊花笋籜正離披長安一夜殘
春雨右省三年老拾遺坐看羣賢爭得路退量孤
分且吟詩五湖煙網非無意未去難忘國士知

寄獻狄右丞

逐勝偷閒向杜陵愛僧不愛紫衣僧身爲醉客思
吟客官自中丞拜右丞殘月露垂朝闕蓋落花風
動宿齋燈孤單小諫漁舟在心戀清潭去未能

寄同年禮部趙郎中

仙步徐徐整羽衣，小儀澄澹轉中儀。
樺飄紅燄趨朝路，蘭縱清香宿省時。
彩筆煙霞供不足，綸闈鸞鳳訝來遲。
自憐孤宦誰相念，禱祝空吟一首詩。

寄職方李員外

曾袖篇章謁長卿，今來附鳳事何榮。
星臨南省陪仙步，春滿東朝接珮聲。

員外攝事儲宮
谷忝獲攀接

談笑不拘

先後禮歲寒仍契子，孫情龍墀仗下天。
街煖共看圭峯並馬行。

爲戶部李郎中與令季端公寓止渠州江寺

偶作寄獻

退居瀟灑寄禪關高掛朝簪淨室間孤島雖留雙
鶴歇五雲爭放二龍閒輕舟共泛花邊水野屐同
登竹外山仙署金闕虛位久夜清應夢近天顏
將之瀘郡旅次遂州遇裴晤員外謫居於此
話舊淒涼因寄二首

誰解登高問上玄謫官何事謫詩仙雲遮列宿離
華省樹蔭澄江入野船黃鳥晚啼愁瘴雨青梅早
落中蠻煙不知幾首南行曲留與巴兒萬古傳

昔年共照松溪影松折溪荒僧已無今日同思錦

城事雪鋪花謝夢何殊亂離未定身俱老騷雅全
休道甚孤我拜師門更南去荔枝春熟向渝瀘
所知從事近藩偶有懷寄

官舍種莎僧對榻生涯如在舊山貧酒醒草檄開
殘漏花落移厨送晚春水墨畫松清睡眠雲霞仙
斃挂吟身霜臺伏首思歸切莫把漁竿遂逸人

同志顧雲下第往京偶有寄勉

鳳策聯華是國華

雲著述目爲鳳策聯華

春來偶未上仙槎

鄉連南渡思菰米淚滴東風避杏花吟聒暮鶯歸
廟院睡消遲日寄僧家一般情緒應相信門靜沙

深樹影斜

寄贈楊夔處士

結茅依約釣魚臺
瀝水鸕鷀去又迴
春臥甕邊聽酒熟
露吟庭際待花開
吳江勝景遨遊遍
百氏羣書講貫閑
步未安風雅薄
可能高尚挾天才

寄贈孫路處士

平生詩譽更誰過
歸老東吳命若何
知己凋零垂白髮
故園寥落近滄波
酒醒蘚砌花陰轉
病起漁舟鷺跡多
深入富春人不見
閒門空掩半庭莎

次韻和秀上人長安寺居言懷寄渚宮禪者

舊齋松老別多年香社人稀離亂間
山寺祇知趨內殿閉門長似在深山
卧聽秦樹秋鐘斷吟想荆江夕鳥還
唯恐興來飛錫去老郎無路更追攀

寄題詩僧秀公

靈一心傳清塞心可公吟後楚公吟
近來雅道相親少雖仰吾師所得深
好句未停無暇日舊山歸老有東林
吟曹孤宦甘寥落多謝携筇數訪尋

送進士韋序赴舉

丹霞照上三清路瑞錦裁成五色毫
波浪不能隨世態鸞鳳應得人吾曹
秋山晚水吟情遠雪竹

松醉格高預想明年騰躍處龍津春碧浸仙桃

送進士吳延保及第後南遊

得意却思尋舊跡新銜未得上蘭臺吟看秋草出
關去逢見故人隨計來勝地昔年詩板在清歌幾
處郡筵開江湖易見淹留興莫待春風落庾梅

送進士王駕下第歸蒲中

失意離愁春不知到家時是落花時孤单取事休
言命早晚逢人苦愛詩度塞風沙歸路遠傍河桑
柘舊居移應嗟我又巴江去游子悠悠聽子規

作尉鄠郊送進士潘爲下第南歸

歸去宜春春水深
麥秋梅雨過湘陰
鄉園幾度經
狂寇桑柘誰家有
舊林結綬位卑甘
晚達登龍心
在且高吟
灞陵橋上楊花裏
酒滿芳樽淚滿襟

送沈光

九陌低迷誰問我
五湖流浪可悲君
著書笑破蘇司業
賦詠思齊鄭廣文
理棹好携三百首
阻風須飲幾千分
耒陽江口春山綠
慟哭應尋杜甫墳

弔禮部韋員外序

臘雪初晴共舉盃
便期携手上春臺
高情惟怕酒
不滿長慟可悲花
正開曉
莫鶯啼殘漏在
風幃燕

覓舊巢來杜陵荒草年年綠醉魄吟魂無復回

石門山泉

一脈清冷何所之縈莎漱蘚入僧池雲邊野客窮
來處石上寒猿見落時聚沫繞槎殘雪在逆流穿
樹墮花隨燠春雨晚聞吟去不復遠尋皇子陂

西蜀淨衆寺題水

竹院松廊分數派晴空清泚亦逶迤落花相逐去
何處幽鷺獨來無限時洗鉢老僧臨岸久釣魚閒
客捲綸遲晚來一片連莎綠悔與滄浪有舊期

代秋扇詞

露入庭蕪恨已深
熱時天下是知音
汗流浹背普
施手氣爽中宵便負心
一片山溪從蠹損
數行文
字任塵侵綠槐陰
合清和後不會何顏
又見尋

錦二首

布素豪家定不看
若無花彩入時難
紅迷天子帆
邊日紫奪星郎帳
外蘭春水濯來雲
鴈活夜機挑
處雨燈寒舞衣轉
轉求新樣不問亂
羅縠
殘
文君手裏曙霞生
美號仍聞借蜀城
奪得始知袍
更貴著歸方覺畫
偏榮
宮花顏色開時麗
池鳳毛
衣浴後明禮部郎
官人所重省中別
占好窠名

蠟燭

仙漏遲遲出建章宮簾不動透清光金闌露白新
裁詔畫閣春紅正試粧淚滴盃盤何所恨燼飄蘭
麝暗和香多情更有分明處照得歌塵下燕梁
燈

雨向莎階滴未休冷光孤恨兩悠悠船中聞鴈洞
庭宿牀下有蛩長信秋背照翠簾新洒別不挑紅
燼正含愁蕭騷寒竹南窓靜一局閒碁爲爾留

峽中嘗茶

簇簇新英摘露光小江園裏火煎嘗吳僧謾說鴉

山好蜀叟休誇鳥嘴香入座半甌輕泛綠開絨數
片淺含黃鹿門病客不歸去酒渴更知春味長

松

下視垂楊拂路塵雙峯石上覆苔文濃霜

一作霜濃

徑無紅葉晚日

一作日晚

高枝有白雲春砌花飄僧旋

掃寒溪子落鶴先聞那堪寂寞悲風起千樹深藏

李白墳

竹

宜煙宜雨又宜風拂水藏村復間松移得蕭瑟從
遠寺洗來疎淨見前峯侵階蘚折春芽迸繞徑莎

微夏蔭濃無賴杏花多意緒數枝穿翠好春

梅

江國正寒春信穩嶺頭枝上雪飄飄何言落處堪
惆悵卽是開時也寂寥素艷照樽桃莫比孤香粘
袖李須饒離人南去腸應斷片片隨鞭過楚橋

荔枝樹

二京曾見畫圖中數本芳菲色不同孤棹今來巴
徼外一枝煙雨思無窮夜郎城近含香瘴杜宇巢
低起暝風腸斷淪瀟霜霞薄不教葉似瀟陵紅

海棠

春風用意勻顏色銷得携觴與賦詩穠艷最宜新
著雨嬌嬌全在欲開時莫愁粉黛臨窓懶梁廣丹
青點筆遲朝醉暮吟看不足羨他蝴蝶宿深枝
善畫花本與莫愁兩人名爲對俗本改爲果信可爲噴飯

擢第後入蜀經羅村溪路見海棠盛開偶有

題詠

上國休誇紅杏絕深溪自照綠苔磯一枝低帶流
鶯睡數片狂和舞蝶飛堪恨路長移不得可無人
與畫將歸手中已有新春桂多謝煙香更入衣

一自王喬放自由俗人行處懶回頭睡輕旋覺松
花墮舞罷閒聽澗水流羽翼光明欺積雪風神灑
落占高秋應嫌白鷺無仙骨長伴漁翁宿葦洲

鴈

八月悲風九月霜蓼花紅澹葦條黃石頭城下波
搖影星子灣西雲間行鷺散漁家吹短笛失羣征
戍鎖殘陽故鄉聞爾亦惆悵何況扁舟非故鄉

燕

年去年來來去忙春寒煙暝渡瀟湘低飛綠岸和
梅雨亂入紅樓揀杏梁閒几硯中闕水淺落花徑

裏得泥香千言萬語無人會又逐流鶯過短墻

鷓鴣

谷以此詩得名
時號爲鄭鷓鴣

煖戲煙蕪錦翼齊品流應得近山雞
雨昏青草湖邊過花落黃陵廟裏啼
遊子乍聞征袖濕佳人纔唱翠眉低
相呼相喚湘江濶苦竹叢深春日西

侯家鷓鴣

江天梅雨濕江籬此處煙香是此時
苦竹嶺無歸去日海棠花落舊樓枝
春宵思極蘭燈暗曉月啼多錦幕垂
唯有佳人憶南國殷勤爲爾唱愁辭
溫處士能書鷓鴣以四韻換之

昔年吟醉遶江籬
愛把漁竿伴鷺鷥
聞說小毫能縱逸
敢憑輕素寫幽奇
涓涓浪濺牽菱蔓
戛戛風披折葦枝
得向晚窓閒挂翫
雪簑煙艇恨無遺

卷終

戊籤七十六鄭谷之六

唐音統籤卷

七百二十

五言絕句

感興

禾黍不陽艷競栽桃李春翻令力畊者半作賣花人

採桑

曉陌携籠去桑村路隔淮何如鬪百草賭取鳳凰釵

悶題

落第春相困無心惜落花荆山歸不得歸得亦無

家

中臺五題

乳毛松

松格一何高何人號乳毛
霜天寓直夜愧爾伴閒
曹

樗里子墓

賢人骨已銷墓樹幾榮凋
正直冤如在齋心願一
招

牡丹

亂前看不足亂後眼偏明
却付蓬蒿力遮藏見太

平

玉藥

亂前唐昌觀
玉藥最盛

唐昌樹已荒天意眷文昌曉入微風起春時雪滿
牆

石柱

外祖在南宮七轉
名曹鑑記皆在

暴亂免遺折森羅賢達名末耶何所取叨繼外門
榮

望湘亭

湘水似伊水湘人非故人登臨獨無語風柳自搖
春

嘉陵

細雨濕萋萋人稀江日西
春愁腸已斷不待子規啼

弔水部賈員外

八韻與五字俱爲時所先
幽魂應自慰李白墓相連

七言絕句

長門怨二首

閒把羅衣泣鳳凰
先朝曾教舞霓裳
春來却羨桃花落得逐晴風出禁牆

流水君恩共不回
杏花爭忍掃成堆
殘春未必多
煙雨淚滴閒階
長綠苔

貧女吟

塵壓鴛鴦廢錦機
滿頭空插麗春枝
東鄰舞妓多
金翠笑剪燈花
學畫眉

文昌寓直

何遜空階夜雨平
朝來交直雨新晴
落花亂上花
磚上不忍和苔
踏紫英

忝官諫垣明日轉對

吾君英睿相君賢
其奈寰區未晏然
明日翠華春

殿下不知何語可聞天

早入諫院二首

玉階春冷未催班
暫掃塵衣就笏眠
孤立小心還自笑
夢魂潛繞御爐煙

紫雲重疊抱春城
廊下人稀唱漏聲
偷得微吟斜倚柱
滿衣花露聽宮鶯

定水寺行香

聽經看畫繞虛廊
風拂金爐待賜香
丞相未來春雪密
暫偷閒臥老僧牀

下第還居二首

年來還未上丹梯且著漁簑謝故溪落盡梨花春
又了破籬殘雨晚鶯啼
未嘗青杏出長安豪士應疑怕牡丹祗有退耕耕
不得茫然村落水吹殘

壬戌西幸後

武德門前顥氣新雪融鴛瓦土膏春夜來夢到宣
麻處草沒龍墀不見人

初還京師寓止府署偶題屋壁

秋光不見舊池臺四顧荒涼瓦礫堆火力不能消
地力亂前黃菊眼前開

永日有懷

博蒲經曰凡近關及後一子謂之壘近關及前一子謂之坑坑壘非

貴米
不出

能消永日是博蒲坑壘由來似宦途兩擲未終捷
掀內座中何惜爲呼盧

春陰

携琴當酒度春陰不解謀生只解吟舞蝶歌鶯莫
相試老郎心是老僧心

歌枕

歌枕高歌日午春酒酣睡足最閒身明明會得窮
道理未必輸他馬上人

短褐

閒披短褐杖山藤
頭不是僧心是僧坐
睡覺來清夜半芭蕉影動道場燈

寂寞

江郡人稀便是村
踏青天氣欲黃昏
春愁不破還成醉
衣上淚痕和酒痕

多虞

多虞難住人稀處
近耗渾無戰罷碁
向闕歸山俱未得
且沽春酒且吟詩

黯然

縉紳奔避復淪亡消息春來到水鄉屈指故人能
幾許月明花好更悲涼

靜吟

騷雅荒涼我自安月和餘雪夜吟寒相門相客應
相笑得句勝於得好官

悶題

莫厭九衢塵土間秋晴滿眼是南山僧家未必全
無事道着訪僧心且閒

偶書

承時偷喜負明神務實那能得底身不會蒼蒼主

何事忍饑多是力耕人

街西晚歸

御溝春水繞閒坊
信馬歸來傍短牆
幽榭名園臨紫陌
晚風時帶牡丹香

小北廳閒題

冷曹孤宦本相宜
山在牆南落照時
洗竹澆莎足公事
一來廳寫一聯詩

野步

翠嵐迎步興何長
笑領漁翁入醉鄉
日暮渚田微雨後
鷺鷥閒暇稻花涼

郊墅戲題

竹巷溪橋天氣涼
禾開稻熟村酒香
唯憂野叟相回避
莫道儂家是漢郎

讀李白集

何事文星與酒星
一時鍾在李先生
高吟大醉三千首
留著人間伴月明

讀簡集二首

殷璠裁鑒英靈集
頗覺同才得契深
何事後來高仲武
品題間氣未公心

風騷如線不勝悲
國步多艱卽此時
愛日滿階看

古集祇應陶集是吾師

借薛尚書集

江天冬煖似花時上國音塵杳未知
正被蟲聲喧老耳今君又借薛能詩

卷末偶題三首

一卷踈蕪一百篇名成未敢暫忘筌
何如海日生殘夜一句能令萬古傳

七歲侍行湖外去岳陽樓上敢題詩
如今寒晚無功業何以勝任國士知

一第由來是出身垂名俱爲國風陳
此生若不知

風雅孤宦如何作近臣

閒題

舉世何人肯自知須逢精鑑定妍蚩若教嫫母臨
明鏡也道不勞紅粉施

重陽夜旅懷

強插黃花三兩枝還圖一醉浸愁眉半床斜月醉
醒後惆悵多於未醉時

亂後灞上

柳絲牽水杏房紅煙岸人稀草色中日暮一行高
鳥處依稀合是望春宮

再經南陽

平蕪漠漠失樓臺
昔日游人亂後來
寥落墻匡春欲暮
燒殘官樹有花開

浯溪

湛湛清江疊疊山
白雲白鳥在其間
漁翁醉睡又醒睡
誰道皇天最惜閒

江上阻風

水天春暗暮
濃船閉蓬窓
細雨中聞道漁家酒
初熟夜來翻喜打頭風

興州江館

向蜀還秦計未成
寒蛩一夜遶床鳴
愁眠不穩孤燈盡
坐聽嘉陵江水聲

東蜀春晚

如此浮生更別離
可堪長慟送春歸
潼江水上楊花雪
剛逐孤舟縹緲飛

下峽

憶子啼猿繞樹哀
雨隨孤棹過陽臺
波頭未白人頭白
瞥見春風灑瀨堆

題慈恩寺默公院

雖近曲江居古寺
舊山終憶九華峯
春來老病厭

迎送剪却牡丹栽野松

西蜀淨衆寺忍公小軒二首

松溪水色綠於松
每到松溪到暮鐘
閒得心源祇如此
問禪何必向雙峯

舊遊前事半埃塵
多向中林結淨因
一念一爐香火裏
後身惟願事師身

無本上人小齋

寒寺惟應我訪師
人稀境靜雪消遲
竹西落照侵窓好
堪惜歸時落照時

西蜀淨衆寺七祖院小山

小巧功成雨薛斑
軒車日日扣松關
峨眉咫尺無人去
却向僧窓看假山

重訪黃神谷東禪者

初塵芸閣來禪閣
却訪支郎是老郎
我趣轉卑師趣靜
數峯秋雪一爐香

和知己秋日傷懷

流水歌聲共不回
去年天氣舊亭臺
梁塵寂寞冥燕歸
去黃蜀葵花一朵開

高蟾先輩以詩筆相示抒成寄酬

張生故國三千里
知者唯應杜紫微

杜牧舍人贈張祜處士云

可憐故國三千里
盧唱歌詞滿六宮
君有君恩秋後葉可能更羨謝

玄暉
蟾有後宮詞云君恩秋後葉日日向人疎

投所知

砌下芝蘭新滿徑
門前桃李舊垂陰
却應回念江邊草
放出春煙一寸心

贈楊夔
冷窓雜錄云夔嘗著冗書三卷馳名于世下第各贈二絕

散賦冗書高且奇
百篇仍有百篇詩
江湖休洒春風淚
十軸香於一桂枝

時無韓柳道難窮
也覺天公不至公
看取年年金榜上
幾人才氣似揚雄

贈下第舉公

見君失意我惆悵記得當年落第情
出去無繆歸又悶苑南慢打講鐘聲

贈日東鑒禪師

故國無心渡海潮老禪方丈倚中條
夜深雨絕松堂靜一點山螢照寂寥

淮上漁者

白頭波上白頭翁家逐船移浦浦風
一尺鱸魚新釣得兒孫吹火荻花中

席上貽歌者

三月樓臺近九衢清歌一曲倒金壺座中亦有江

南客莫向春風

一作樽前唱鷓鴣

宗人惠四藥

宗人忽惠西山藥四味清新香助茶爽得心神便
騎鶴何須燒得白朱砂

爲人題

淚濕孤鸞曉鏡昏近來方解惜青春杏花楊柳年
年好不忍回看舊寫真

淮上與友人別

揚子江頭楊柳春楊花愁殺渡江人數聲風笛離

亭晚君向瀟湘我向秦

別修覺寺無本上人

松上閒雲石上苔
白嫌歸去夕陽催
山門握手無他語
只約今冬看雪來

送張逸人

人間踈散更無人
浪兀孤舟酒兀身
蘆筍鱸魚搥不得
五陵珍重五湖春

題張衡廟

遠俗只憑經祝切
多年平子固悠悠
江煙日午無簫鼓
直到如今詠四愁

長江縣經賈島墓

水繞荒墳縣路斜耕人訝我久咨嗟
重來兼恐無尋處日落風吹鼓子花

雪中偶題

亂飄僧舍茶烟濕密洒歌樓酒力微
江上晚來堪畫處漁人撐得一簑歸

江宿聞蘆管

商船童善吹

塞曲淒涼楚水濱聲聲吹出落梅春
須知風月千橋下亦有胡蘆河畔人

西蜀淨衆寺傳經院壁畫松

危根瘦盡聳孤峯珍重江僧好筆蹤得向游人多
處畫却勝澗底作真松

柳

半煙半雨江橋畔映杏映桃山路中會得離人無
限意千絲萬絮惹春風

曲江紅杏

遮莫江頭柳色遮日濃鶯睡一枝斜女郎新得殷
勤看道是春風及第花

槐花

紙紮金葉撲晴空舉子竟驚落照中今日老郎猶

有恨昔年相謔十秋風

折得梅

寒步江村折得梅孤香不肯待春催
滿枝盡是愁人淚莫嫌朝來露濕衣

小桃

和煙和雨遮敷水映竹映村連
灞橋一作陵擦弄春

風奈寒冷到頭贏得杏花嬌一作惜

蜀中賞海棠

濃澹芳春滿蜀鄉半隨風雨斷鶯腸
浣花溪上堪

惆悵子美無心爲發揚

杜工部居兩蜀詩
集中無海棠之題

牡丹

畫堂簾卷張清宴含香帶露情無限春風愛惜未
放開柘枝鼓振紅英綻

菊

王孫莫把比荆蒿九日枝枝近鬢毛露濕秋香滿
池岸由來不羨瓦松高

菊

日日池邊載酒行黃昏猶自遶黃英重陽過後頻
來此甚覺多情勝薄情

十月菊

節去蜂

一作風

愁蝶不知曉庭還遶折殘枝自緣今

日人心別未必秋香一夜衰

山谷云意甚佳而病在氣不長

蓮葉

移舟水濺差差綠倚檻風搖柄柄香多謝浣溪人
未折雨中留得蓋鴛鴦

曲江春草

花落江堤簇煖烟雨餘草色遠相連香輪莫碾青

青破留與愁

一作遊

人一醉眠

苔錢

春紅秋紫繞池臺箇箇圓如濟世財雨後無端滿

窮巷買花不得買愁來

黃鶯

春雲澹澹

一作薄薄

日輝輝宮樹煙深隔水飛應爲能

歌繫仙籍脉姑乞與女真衣

鷺鷥

閒立春塘煙澹澹靜眠寒葦雨颼颼漁翁歸後沙汀晚飛下灘頭更自由

失鷺鷥

野格由來倦小池鷺風却下碧江涯月昏風急宿何處秋岸蕭蕭黃葦枝

越鳥

青霜南鴈不到處倚棹北人初聽時梅雨滿江春
草歇一聲聲在荔枝枝

山鳥

驚飛失勢粉牆高好箇聲音好羽毛小婢不須催
射彈且從枝上喫櫻桃